

COMUN: **Limitaziun de portada sön les strades comunales:** Al vëgn lascé alsavèi che cun ordenanza nr. 3/2018 é gnü proibí da passé sön dotes les strades comunales cun veicui dal pëis sura 7,00 tonelades da sëgn inant cina ai 15 d'aurí 2018; tuc fora dala proibiziun é i zëntri abitá y les zones por insediament productifs.

“Minority SafePack”: Por oblié l'Uniun Europea da atué la promoziun y la sconanza dles mendranzes linguistiches ól ester n miliun de firmes cina ai 3 d'aurí 2018; tla Talia messessel gní abiné 54.750 firmes. Düc i zitadins sura 18 agn é inviá da firmé online sön la plata www.deboriada.bz o ince te comun sön formulars aposta.

PLOANIES DA SAN MARTIN Y LUNGIARÜ

En sabeda, ai 17 de merz, é les Staziuns dla Schira Jonila y di Ssorvidus. I s'incuntun dales 14.45 a Badia (dan colonia) por jí sö Oies ala Mëssa dales 16.00. Dedò stunse düc n pü' adöm pro n pice renfrësch jö bas ite. Düc é dër bel inviá!

Invit di vëdui, vëdues y porsones sores ai 18/03 a Porsenú; ciarede tl'ultima plata.

Bel dilan a siur Iaco Willeit y siur Franz Senfter, che á celebré la messa a Oies, ai 2 de merz, y ales ères che á tut pert al dé de oraziun, perian, ciantan y ofrin por les ères dl Surinam. Al é jü ite 1.585 €. *Conséi decanal dles ères Val Badia*

SAN MARTIN

La Uniun dles Ères y di Èi inviëia ala festa di iubilars en domënia, ai 8 d'aurí, cun mëssa y sté adöm tl salf di stödafüch. Düc i pers che é 10, 15, 20, 25, 30, 35, 40, 45, 50, 55, 60 ... agn maridá é dër bel inviá. Chësc avis vel sciöche invit.

LUNGIARÜ

La Uniun di Seniors da Lungiarü inviëia düc i seniors en vëndres, ai 16 de merz, por les 14.00 fora Al Plan, Roncac, a chidlé. Prëibel prenotesse cina en vëndres dadoman pro Annelies 0474 590 067 o 346 35 87 173.

La Uniun di Èi da Lungiarü inviëia düc i èi da dé jö la usc por la lita di surastanc dla uniun ai 17 y 18 de merz apé de dljia.

La Uniun di Èi inviëia al referat "Por ci é pa sté la jënt che á mazé Gejú söla crusc?" cun Siur Sepl Granruaz, en domënia, ai 18 de merz, do mëssa te scora.

Le Museum de Tor organisëia por l'isté 2018 na mostra sura la scora dles valades ladines. Al vëgn chirí obiec y materiai che nes vëgn imprestá o scincá (por ejëmpl material da scrí, libri, documënc, banc vedli, tasces da scora vedles y i.i.).

Prëibel telefonede 0474 524 020 o scriede na e-mail a info@museumladin.it.

La Ciasa de Palsa a San Martin de Tor á scrit fora concursc por curí chisc posc:

- 1 post (tëmp parzial 76,32% - 29 ores al'edema) de fisioterapista tla VII.ter cualifica funzonala, resservé al grup linguistich ladin. Al vëgn ghiré l'atestat de trilinguism B.
 - 6 posc (3 posc a tëmp plëgn - 38 ores al'edema, 2 posc a tëmp parzial 76,32% - 29 ores al'edema y 1 post a tëmp parzial 63,16% - 24 ores al'edema) de operadëssa sozio-assistenziala tla V. cualifica funzonala, resservé al gr. ling. ladin. Al é ghiré l'atestat de trilinguism C.
 - 4 posc (1 post a tëmp plëgn - 38 ores al'edema y 2 posc a tëmp parzial 63,16% - 24 ores al'edema) de operadëssa sozio-sanitaria tla IV cual. funz., resservé al gr. ling. ladin y 1 post a tëmp plëgn resservé al grup linguistich talian. Al é ghiré l'atestat de trilinguism D.
- Les domandes de amisciun ai concursc publics mëss gní scrites fora sön le formular aposta, da ciáfé ti ofizi dla Ciasa de Palsa o söla plata internet www.ciasadepalsa.it, y mëss gní dades jö ti ofizi dla Ciasa de Palsa cina ai 13.04.2018 dales 12.00h. Informaziuns plü avisa ciäfa i interessá ti ofizi dla Ciasa de al numer de telefonn 0474 524 786.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

11.03.18 – 18.03.18 nr. 15

termo da publiché: jöbia 20.00
radio: 90,40 / 93,70

4^a DOMËNIA DE CARSËMA - ANN B

Vangele: Jan 3,14-21

Te chël tëmp

à Gejú dit a Nicodêm:

Sciöche Mosè à inalzè la bisca tl desert

insciö mëss le Fi dl Om gnü inalzè,

por che vignun che creï te ël ais la vita eterna.

Dî ti à orü tan bun al monn, ch'al à dè ca so Fi su,

por che vignun che creï te ël

ne vais nia ademal, mo ais la vita eterna.

Idî n'á nia menè so Fi tl monn,

por che ël iudichëies le monn,

mo por che le monn vëgnes salvè tres ël.

*Tan atira ne lascia Idî nia tomé fûch dal cil
por castié la jënt che vir tl picé.*

Chësc n'é la jënt nia dër buna da capí.

La jënt ghira iustizia:

Chël Bel Dî mëss iudiché la jënt aladò de sües opres.

Y al mëss ince castié chël che fej dl mal.

Y sc'al ne le fej nia bele te chësta vita,

spo spera la jënt ch'al vëgnes fat iustizia almanco do la mort,

dailó n'él pa spo plü degügn che ti sciampa.

Al sides rengrazié Idí, che süa iustizia é n'atra.

Dî ti à orü tan bun al monn, ch'al à dè ca so Fi su,

por che vignun che creï te ël ne vais nia ademal, mo ais la vita eterna.


Al patësc cun vignun y sint cun vignun, al n'ó perde degügn.


La cossa sora ch'i messun fá, ti creïe, y azeté chësc amur ch'al á por nos.

Chël Bel Dî ne nes iudichëia nia sciöche nos l'odessun iüst.

Chël Bel Dî nes iudichëia do süa mosöra, y süa mosöra é l'amur,

n amur tan gran che nes obliëia y ch'i ne podun nia lascé zënza risposta.



	SAN MARTIN	LUNGIARÜ	
11.03.18 4ª DOMËNIA DE CARSËMA – B “Laetare”	9.00 Les Staziuns 9.30 Gran Mëssa por la comunité 3ª de sopolt. de Lena Costabiei Moling <i>Oferta por le Kassianswerk</i>	7.55 Les Staziuns y Confesciuns 8.15 Gran Mëssa por la comunité <i>Oferta por le Kassianswerk</i> dedô Istruziun di Omi cun siur Sepl Granruaz	 <p>Le vëscò de nosta diozeja Ivo Muser ves á scrit sègn de Carsëma na lëtra a os jogn danter l'ater vës invièiel da avèi</p> <p>Speranza & Coraje</p> <p>I sinti ince le dejider ch'i èis te osc cör y osta orenté frëma y sterscia che ves sbürta a orèi n mudamënt y a se dejidré n miú monn, plü iüst y davert al dagní, y chësc é ci che me lascia speré. Implí de chësta speranza ves chërdi: Ede coraje! Infidésse! Sëise os la tle dla mudaziun! Ne stede a ti dé lerch ala desperaziun te osc cör y no lascede che la rassegnaziun áis te os la suravënta! Ede l'ardimënt da scomencé y da dé le pröm vare!</p> <p><i>La lëtra é publicada sön faacebook y instagram o www.bz-bx.net</i></p>
12.03.18 Lönesc <i>Nicodem, Beatrix</i>		17.00 Les Staziuns	
13.03.18 Dedolönesc <i>Iudita, Paulina, Leander</i>	19.30 Mëssa familia Michela Planatscher ++ Emma y Clara Frenner, Lovara 20.15 Sentada dl consèi de cöra	7.30 Zelebrazium dla Parora	
14.03.18 Dedemesaledema <i>Matilda, Conrad</i>	18.00 Les Staziuns	19.30 Mëssa dl ann + Johanna Schanung + Rosa Canins 20.00 Sentada dl consèi de cöra	
15.03.18 Jöbia <i>Klemens M. H., Lucrezia</i>	7.30 Mëssa di scolars dl ann + Carlo Clement vis y def. de Amalia Zingerle + Paul Ferdigg Corona por vocaziuns		
16.03.18 Vëndres <i>Herbert, Damian, Ilare</i>	19.30 Funziun Penitenziala	7.30 Mëssa + + geniturs de Iarone y Loise Freinademetz + Ida Clara Verginer	
17.03.18 Sabeda <i>Gertrud, Patrich</i>	15.30 Mëssa tla Ciasa de Palsa 18.30 Mëssa prefestia ++ Alfred y Erica Videsott + Maria Unterweger + Mariangel Tavella	20.00 Mëssa prefestia fam. Manfred y Silvia Chiusura ++ Giovanni y Herta Clara ++ Franz y Ludmilla Costa	
18.03.18 5ª DOMËNIA DE CARSËMA – B <i>Domënia dla Pasciun</i>	9.00 Les Staziuns 9.30 Gran Mëssa por la comunité	7.55 Les Staziuns ciantades dal cor 8.15 Gran Mëssa por la comunité dedo Referat cun siur Sepl Granruaz te scora	

